



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

J.U. ZAVOD ZA JAVNO ZDRAVSTVO
KANTONA SARAJEVO

Broj: 05 3 34-5032 / 19. god.

Datum, 01.08. / 19. god.

Broj: 02-05-24842/19
Sarajevo, 22.07.2019. godine

JU ZAVOD ZA JAVNO ZDRAVSTVO KANTONA SARAJEVO
n/r: direktorice **Aida Pilav-prof. dr. med. sci.**
ul. Mustafe Pintola 1, Sarajevo

PREDMET: Vijećnička inicijativa, dostavlja se

Ministarstvo zdravstva Kantona Sarajevo zaprimilo je dopis Općinskog vijeća Općine Stari Grad Sarajevo, u kojem je navedeno: **da je Vijećnica Alma Šegić ispred Kluba SDA podnijela inicijativu da se po hitnom postupku počne dezinfekcija na području Općine Stari Grad, akt broj 02-49-229/19 od 18.06.2019.godine.**

Molimo Vas da se, u okviru svoje nadležnosti, izjasnite u odnosu na pokrenutu vijećničku inicijativu. U prilogu akta dostavljamo naprijed navedenu vijećničku inicijativu, te Vas molimo da ovom ministarstvu dostavite odgovor kako bi se blagovremeno dostavio Općinskom vijeću Općine Stari Grad Sarajevo.

S poštovanjem,

Pripremila:

dr. stom. *Arina Bejdžić Kršo*, stručni savjetnik

Kontrolisala:

dr. Alma Kadić, pomoćnica ministrice
dipl. iur. *Amra Isić*, sekretar ministarstva

MINISTRICA
Prof. dr. sci. med. *Amela Sofić*



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243

Sarajevo, Reisa Džemaludina Čauševića 1





SLUŽBA KABINETA
OPĆINSKOG NAČELNIKA

Broj:01-05-4-2015
Sarajevo:19.06.2019.godine

Bosna i Hercegovina
Federacija Bosne i Hercegovine
KANTON SARAJEVO

PRILAZNO:		19-06-2019	
Broj	Prilog	Broj	Prilog
021	05	24842	

KANTON SARAJEVO

n/r Premijera Kantona
g-din Edin Forto

Predmet: Inivijativa Općinskog vijećnika, dostavlja se

Poštovani,

U prilogu ovog Dopisa dostavljamo vam Inicijativu dostavljenu dana 18.06.2019.godine Službi kabineta Općinskog načelnika a koju je podnijela vijećnica Alma Šegić i koja se, obzirom na sadržaj iste, tiče nadležnosti Zavoda za javno zdravstvo.

Općina Stari grad svjesna je neophodnosti postupanja po traženom i sa svoje strane je učinila dodatne napore i provela dodatne mjere (vanredne) na poslovima dezinfekcije na svim objektima na kojima ima pravo upravljanja i koji su njenoj isključivoj nadležnosti u ovom segmentu.

Iskreno se nadamo da ćete imati razumjevanja za traženo i postupiti u okvirima svojih nadležnosti te obavijetiti nas o poduzetim mjerama i iaktivnostima.

S poštovanjem,

RUKOVOĐILAC
SLUŽBE KABINETA OPĆINSKOG NAČELNIKA
Zaida Barančić dipl.pravnik

DOSTAVITI:

-naslovu
-evidencija



Broj: 02-49- 223/19
Sarajevo: 18. 06. 2019. godine

SLUŽBA KABINETA OPĆINSKOG NAČELNIKA
- ovdje -

PREDMET: Vijećnička inicijativa, dostavlja se

Poštovani,

U prilogu Vam dostavljamo vijećničku inicijativu vijećnice Alme Šegić, koju je imenovana vijećnica dostavila 14. 06. 2019. godine, kako bi ste istu, zbog hitnosti postupanja, prosljedili nadležnim službama.

DOSTAVITI:

- Naslovu
- Evidenciji
- a/a

18.06.19.
[Signature]

SEKRETAR
OPĆINSKOG VIJEĆA STARI GRAD
SARAJEVO

Melina Olovčić
Melina Olovčić dipl. pravnik

Subject: Urgencija-dezinsekcija! HITNO!

From: Alma Šegić <segicalma@hotmail.com>

Date: 13.06.2019. 16:45

To: Vijeće <vijece@starigrad.ba>, Ibrahim Hadžibajrić <ibrahim.hadzibajric@starigrad.ba>

Poštovani,

Podnosim inicijativu u ime Kluba SDA da se po hitnom postupku počne sa dezinfekcijom na području Općine Stari Grad. Sredstva koja su planirana u budžetu za Civilnu zaštitu trebaju biti iskorištena za ovu urgenciju.

Za čovjeka žohari predstavljaju veliku i stalnu opasnost kao mehanički vektori prijenosa (prenositelji) zaraznih bolesti (salmonela, stafilokok, tuberkuloza, šigela, dizenterija, tuberkuloza, kolera, tifus). Uzročnici su i mnogih alergija u odraslih i djece, dokazano je da kod djece mogu izazvati astmu.

Akcija treba da se provede što prije i to u više navrata i temeljito kako bi rezultat bio suzbijanja crnih žohara na biološki minimum.

U ime Kluba SDA

Alma Šegić

V.P. 14.06.19 231/19



Broj: 05.3-5032-1 /19
Sarajevo, 07.08.2019. godine.

MINISTARSTVO ZDRAVSTVA KANTONA SARAJEVO
N/r. MINISTRICE
Prof. dr. sci. med. Amela Sofić

- 8 -08- 2019

PREDMET: Odgovor na vijećničku inicijativu Vijećnice Alme Šegić (Veza Vaš akt: 02-05-24842/18 od 22.07.2019.god.)

Poštovana,

U skladu sa Vašim dopisom broj: 02-05-24842/18 od 22.07.2019.god., za dostavu odgovora na vijećničku inicijativu Vijećnice Alme Šegić dostavljamo sljedeće:

„Podnosim inicijativu u ime Kluba SDA da se po hitnom postupku počne sa dezinfekcijom na području Općine Stari Grad. Sredstva koja su planirana u budžetu za Civilnu zaštitu trebaju biti iskorištena za ovu urgenciju.

Za čovjeka žohari predstavljaju veliku i stalnu opasnost kao mehanički vektori prijenosa (prenositelji) zaraznih bolesti (salmonela, stafilokok, tuberkuloza, šigela, dizenterija, tuberkuloza, kolera, tifus). Uzročnici su i mnogih alergija u odraslih i djece, dokazano je da kod djece mogu izazvati astmu.

Akcija treba da se provede što prije i to u više navrata i temeljito kako bi rezultat bio suzbijanja crnih žohara na biološki minimum.“

Mjere dezinfekcije, dezinfekcije i deratizacije su sastavni dio rada J.U. Zavod za javno zdravstvo Kantona Sarajevo, kao opće i posebne mjere za sprječavanje nastanka i suzbijanje širenja zaraznih bolesti koje su propisane Zakonom o zaštiti stanovništva od zaraznih bolesti u Federaciji Bosne i Hercegovine. Dezinfekcija kao opća i protuepidemijska mjera provodi se sa ciljem smanjenja broja štetnih insekata ispod praga štetnosti i/ili kao protuepidemijska mjera za suzbijanje širenja zaraznih oboljenja.

J.U. Zavod za javno zdravstvo Kantona Sarajevo u okviru svoje djelatnosti i u skladu sa propisima prikuplja, evaluira i komparira sve relevantne podatke o zdravstvenom stanju stanovništva. U okviru zakonom propisane djelatnosti i dostupnih podataka analizira pojavu bolesti prema geografskoj distribuciji prijavljenih oboljenja.

Na osnovu praćenja tokom proteklih godina, na određenim područjima Kantona Sarajevo u razdoblju toplog dijela godine pojavljuju se u povećanom broju pojedine vrste štetnih insekata



Adresa: dr. Mustafe Pintola br.1, 71210 Ilidža
Tel/fax: 627-889; 624-470
web: <http://www.zzjzks.ba>
e-mail: gzavod@bih.net.ba



koje mogu biti prijenosnici zaraznih bolesti, a ujedno su smetnja građanima. **Stoga je potrebno provoditi mjere suzbijanja ovih vrsta, za što su odgovorna sva pravna i fizička lica u svojim prostorima.**

Evaluacijom kretanja prijavljenih zaraznih oboljenja na području Općine Stari Grad kao i na području Kantona Sarajevo, nema pojave zaraznih oboljenja da bi se dezinfekcija mogla provoditi kao protuepidemijska mjera.

Žohari, smeđi ili njemački žohar (*Blattella germanica*) i crni ili orijentalni žohar (*Blatta orientalis*) su insekti različitih prostora i staništa na području Kantona Sarajevo čije suzbijanje se redovno provodi i obavezno je u objektima koji podliježu sanitarnom nadzoru. Na osnovu dosadašnjeg praćenja, na području Kantona Sarajevo redovno se uočavaju sljedeće situacije povezane s pojavom žohara:

U mnogim stambenim zgradama tokom ljeta povećava se broj smeđih žohara u objektima za stanovanje. Razlog za ovo je nevršenje mjera dezinfekcije u stambenim zgradama, koje je regulisano Zakonom o održavanju zajedničkih dijelova zgrada i upravljanja zgradama ("Službene novine Kantona Sarajevo" broj 19/17 od 18. maja 2017.godine), Član 29., (2), gg) „deratizacija u skladu sa programom Kantona Sarajevo, dezinfekcija po potrebi i dezinfekcija po potrebi“, a što uz ljetne temperature pruža vrlo povoljne uvjete za razmnožavanje žohara.

U skladu sa Pravilnikom o načinu obavljanja obavezne dezinfekcije, dezinfekcije i deratizacije (Sl. Novine FBiH 30/16), u objektima koji su dužni provoditi DDD mjere, obavezna preventivna dezinfekcija obavlja se u sljedećim rokovima:

a) svakih 90 dana u:

- 1) objektima za proizvodnju, skladištenje i promet životnih namirnica i sirovina za njihovu proizvodnju (klaonice, mljekare, prodavnice mesa i proizvoda životinjskog porijekla, različiti proizvodni pogoni, ugostiteljski i ostali objekti prehrane, kuhinje, trgovački objekti i tržni centri, i sl.),
- 2) veletržnicama, tržnicama, ribarnicama,
- 3) objektima namijenjenim za smještaj većeg broja ljudi (hoteli i drugi turistički objekti, studentski i đачki domovi, prihvatilišta, socijalne ustanove i dr.),
- 4) deponijama otpada.

b) svakih 180 dana:

- 1) objektima odgojno-obrazovnih ustanova (obdaništa, osnovne, srednje, više i visoke škole i dr.),
- 2) svim objektima zdravstvenih ustanova (domovi zdravlja, ambulante, ordinacije, bolnice, klinički centri i dr.),
- 3) objektima javnog prijevoza putnika (aerodromi, željezničke i autobuske stanice, i dr.),
- 4) objektima i mjestima za javna okupljanja i gdje je frekventnost ljudi povećana (kinodvorane, pozorišta, objekti MUP-a, zatvori, banke, šalter sale i dr.),
- 5) u analizacijskim sistemima, kolektorima, šahtovima i energetskim kanalima toplovodnih, električnih, telefonskih i drugih instalacija,
- 6) u svim drugim objektima u kojima se obavlja društvena, privredna ili javna djelatnost.

Neblagovremeno i neadekvatno obavljanje propisanih mjera doprinosi povećanju broja žohara na određenom lokalitetu.

U skladu sa članom 3., Zakona o zaštiti stanovništva od zaraznih bolesti (Sl. Novine FBiH 29/05) Zaštita od zaraznih bolesti dužnost je jedinica lokalne samouprave - općina, kantona i Federacije, zdravstvenih ustanova, zavoda zdravstvenog osiguranja, nosioca privatne prakse, privrednih društava i drugih pravnih i fizičkih lica, što uključuje i dezinfekciju, dezinsekciju i deratizaciju, kao i planiranje/obezbjedenje sredstava za njihovo vršenje.


S obzirom da žoharima godi povišena temperatura, tokom ljeta povremeno i mjestimično objektima starije gradnje koji se prvenstveno nalaze na području općina Stari Grad i Centar te u kanalizacionoj mreži pojedinih gradskih dijelova povećava se broj crnih žohara, čemu uz godišnje doba pogoduje stara i slaba kanalizaciona infrastruktura. Infestacija crnih žohara karakteristična je za stare građevine i objekte s dotrajalom infrastrukturom.

U slučaju pojave crnih žohara u i oko objekata stanovanja te unutar revizijskih kanalizacijskih otvora na javnim površinama potrebno je provoditi mjere dezinsekcije.

Zavod za javno zdravstvo Kantona Sarajevo će u narednom periodu, a ukoliko se procijeni dodatna potreba, pristupiti izradi operativnog plana posebnih mjera nadzora, preventivne i obavezne preventivne dezinsekcije na području Kantona Sarajevo, a u saradnji sa Kantonalnim ministarstvom zdravstva.

S poštovanjem,

Izradio:



Denis Đurović, dipl.sanit.ing
Odgovorni tehničar RJ za epidemiologiju



DIREKTORICA:

Prof.dr.med.sci. Aida Pilav

